

巡按蘇松等處監察御史初 謹

題為改定粗陋異常

進賜賞賚奚堪伏乞

嚴飭工部駁回織換重加參處以儆積玩事崇禎六

年六月十六日奉

都察院勘劄准工部咨該內承運庫掌印御馬

監太監周禮題前事于本年三月二十三日奉

聖旨據奏常鎮二府解到改定無一堪用係何官徑

管玩泄至此着查明議處區役重究其机頭腰封

例有背織姓名色樣撫按官何無稽核開報着自

行回奏不堪的駁回照數織換同二運補解其歲

造務期精美併辨驗填註印鈴起解等事已有旨

了着嚴飭行工部知道欽此欽遵移咨札行到臣
隨徑檄行常鎮兵糧道嚴行查究其所奉駁回
段疋責令照數追賠徹換務須精美合式併附
後運起解仍遵照辨驗机頭腰封俱填註印鈐
作速完報去後節行嚴催間續于七年五月二
十日據該道副使徐世蔭呈問吳毓祥蔡文榮
等招繇轉呈到臣該臣謹會全巡撫應天右僉
都御史張
看得段疋為

上供急需屢經

明旨申飭徑管承造者宜如何恪慎而常鎮二府之
段疋類多粗紕不堪致奉

欽驗駁回則陳玩之罪安所解乎計鎮江府共駁歲

造殿二千一百六十二疋改造殿二千三十八
疋綾紗六十七疋常州府共駁歲造殿五百六
十七疋改造殿二千四疋鎮江之管織者為机
戶吳毓祥姚應元徐思昌也管解者為解戶陳
思聰潘桂蓋國光也常州之管織者為机戶蔡
文榮高臣吳墮鄒文鏡瞻也管解者為解戶朱
夢錢時叙也管織而絲縷既不縝密花彩復欠
鮮明管解而顏色既多漬污腰封復致遺失雖
駁行突核未有侵剋情弊而受值急事撓無辭
于分別核杖之律矣其徑管官在鎮江為通判
周汝麟張含錦在常州為通判黃曰文雖徑論
劾鎮江織染局大使徐瑜陳賓雖徑陞任仍應

候

初下該部從重議處者也再查前項段足織解在臣
未任之先臣所以未即代為前按臣回

奏者蓋一則以兩府招詳之往返動致稽遲一則

臣欲使駁換者旦夕起解以補額辦之數而今

在鎮江則有續完歲段而驗徑不堪又行駁織

在常州則卽署屢更近方催備有緒以致未即

具

覆伏乞

天恩矜宥至于机頭腰封之卽鈐姓名色樣之辨驗

臣等凜奉

明綸自當欽遵惟謹除前招紙罪銀共一百三十九兩

二錢五分類解充餉外統候

聖裁下部覆議行臣等遵奉發落施行

